



17528

Lita

I

Mag. St. Dr.

P

Leopoldinae Joannis: In nuptias Generosi
D. Joan. Bapt. Ceki et Annae Francke
viri Oratio.

PANEG. et VITAE

Poloni. 4.

N^o. 85.

Biblioteka Jagiellońska



stdr0002469

IN NVPTIAS

GENEROSI DOMINI

IOANNIS BAPTISTÆ CEKI &c.

ET PVDICISSIMAE

VIRGINIS ANNÆ, CLARISSIMI VIRI,

DOMINI ANTONI FRANCKOVIC

Leop: inclytæ Vrbis Cracouiensis

Consulis &c. Filiæ.

Oratio.

M. IOANNIS LEOPOLITÆ C. M.



CRACOVIAE.

In Officina Lazari, Basili Skalski, Anno Domini,

M. DC. IV.

IN NVPTIAS

GENERO DOMINI

IOANNIS BAPTISTE C. EK. X.

ET

VIRGINIS ANNE C. ARISTIM. VIR.

DOMINI ANTONI FRANKOVIC

Leopoldi

Proverb: XIX.

Corinth. 2. 1. 1.

Domus & diuitiæ dantur à pa-
rentibus, à Domino autem pro-
priè vxor prudens.



175281

GRACOVIAE.

In Officina Typographica, Anno Domini

M. DC. IV.

ORATIO.



PSI OMNIA IN HOC AMPLIS-
 simo orbis theatro sint fluxa, lu-
 brica, vicissitudini, mutationi q̃;
 obnoxia; summis tamen illa lau-
 dibus, viri magni, ingenio cele-
 bres, eloquentiâ illustres, tum
 propter illorum auctoritatem,
 tum propter pulchritudinē, & v-
 tilitatem incredibilem exornarunt: maximè tamen ho-
 rum, Matrimonij laudes decantarunt: quia hoc & ad
 Rempub. administrandam, & ad imperium augendum,
 & ad benè beatèque viuendum, nihil melius, nihil vti-
 lius, nihil deniq; ad conseruationem humani generis,
 cuius nullus desiderio non tenetur, conducibilius, es-
 se censuerunt. Et sapienter sanè. Tantum enim studiū,
 tantam cupidinem natura, non modò hominibus, sed
 etiam brutis animantibus, inseuit: vt communē om-
 nium animantium coniunctionis appetitum esse volu-
 erit, procreandi causa; & curā quandam eorū, quæ sunt
 procreata, indidit. Ecquid enim in hac vita fragili, &
 lubrica, durabile, quid perpetuū, sine societate coni-
 gali esset? Nihil profectò: cū omnia orta occidere,
 & aucta senescere, ne dicam, didicimus, accepimus, le-
 gimus: sed à natura ipsa arripuimus, hausimus, expres-
 simus. Quare, cū nihil nos ab interitu magis liberet,
 quàm hæres, omnisq; natura vult esse conseruatrici sui,
 vt & salua sit, & in genere conseruetur suo: quis ita im-

pudens, lingua effrenis, animo audax, qui Matrimonium, quod ab ipso Deo institutum est, ore impuro incessere, dictariis proscindere, cōuiciis lancinare audebit? cū propter breuitatem vitæ non moriamur mortales, sed relicta prole magis magisque efflorescamus. Vt enim in seminibus herbæ, in culmis spicæ, vites in radicibus, in vitibus palmites, in palmitibus gemmæ, & in his racemus, flos in racemis, nunquam moritur nec interit: ita humanum genus, in natis natorum, & qui ab illis nascuntur, immortalitatem, quam in votis omnes habent, consequitur. Quapropter antequam vtriusque sponsi laudes, quod gestit animus, referam: in commendationem Matrimonij, primò breuissimè excurram; quā non tam oratione explicare, quā perstringere, & tanquā penicillo quodam adumbrare decreui. Etenim, si omnia ad amussim, & quasi ad lapidē Lydiū, vt dicitur, explorare vellem, tanta dicendi exuberaret copia, vt nec panegyris modū, nec finem reperiret oratio: non tam igitur copia, quā modus dicendi erit inquirendus. Vos modo magnæ vrbs ciues, & lumina, si quid vobis curæ est, conatum adiuuate: vt hoc etiam in encomij initio dicere possimus, in tales primū viros statim nos incidisse, à quibus aliquis, quamuis ineptus antè sit, dexter concinnusque reddatur: possitque viribus etiam maiora dicendo tractare, sin min⁹ satisfecero, in magnis voluntatem sufficere cogitabitis.

Auctores Matrimonij, vt hinc dicendi initium faciam

ciam, inquirere superfluum esse existimo, cum constet ab ipso Deo immortali ortum illud duxisse, neminemq; credam adeò peregrinum esse in sacris literis, qui ignoret, Deum (vt alia taceam) homine ad imaginem & similitudinem suam in Paradiso creato, Matrimonium instituisse, hocq; benedixisse. Quid igitur opus est, in re tam clara & aperta testimonia eorum, quorum propter antiquitatem recepta est auctoritas, vt fidem mereamur, eruere? cum ne dicam homines lumine fidei illustrati, sed ipsa etiam superstitiosa gentilitas, vt omnia summa, ita nuptiarum primordia à Diis immortalibus manasse crediderit. Vtilius ergò me facturum credo, si Nuptias naturam etiam ipsam expetisse aperuero: quam, quotus quisque est nostrum, qui nesciat semper aliquid concipere, conceptum fouere, fœtum statò tempore in lucem proferre? Intueamur primùm arbores, nonnè has videmus primùm frondes, mox folia è frondibus protrudere, tandem cernimus è floribus dulcissimos fructus, quos vt maturescant firmat sol, auræ mulcent, imbres educant. Hinc reflectamus oculos in animalia, res deniq; alias, nonnè omnia conseruationem sui per assiduam generationem appetere, & quantum possunt id vnum agere, deprehendimus? Quibus vel ideò natura omnium parens, perpetuam instituit generationem, vt semper cum stirpium, tum animalium, omnium deniq;

A 3 *superiorum rerum*

rerum genera, quæ illa procreat, sustinet, auget, tuetur,
& ornat, censeruarentur : ne quid omnino huic vniuersi-
tati deesse videatur. Quare quot, & quanta ex connu-
bio commoda profluxerint, me etiam tacente, quisquis
poterit iudicare; quæ non satis est sciuisse, sed iuuat usque
in his immorari : per hoc enim societas humana cõalu-
it, atque ab agresti & fera vita, ad humaniorem & cultio-
rem reducta est, homines ex iracundis mansuetos, ex
immitibus mites, in omnibusque rebus elegantes, & or-
dinatos reddidit. Neque tantum Philosophorum placita,
nec Poëtarum blandimenta, nec Oratorum voces pro-
fecissent; quantum natura ipsa, quæ omnia animantia
ad hanc societatem ardenti quodam modo excitat, in-
stigmat, & inflamat : ne scilicet genus nostrum diutur-
nitate temporis, cum nihil est opere aut manu factum,
quod non conficiat aliquando, & consumat vetustas,
occidat & aboleatur. Idcirco, etiam si nulla alia socie-
tatis huius (quamvis sint quamplurimæ) præter immor-
talitatem sit utilitas, nihil tamen hac melius, nihil ad
conseruandum genus humanum conducibilius recte
iudicari potest. Cum enim genus humanum sit mortu-
ale, ex Matrimonij societate & coniunctione, propter
continuationis seriem, per nuptias fit immortale. Su-
sceptione enim liberorum, genus veluti lumen accen-
ditur; quod & in posteritate per generationem manet,
& nunquam extinguitur, & quasi vnum in omni se-
culo lucet. Neque aliam ego causam fuisse reor, cur
tot

tot Reges, & Principes, multiq̃ue viri clarissimi, charissimas alioqui vxores, sed steriles repudiarunt; nisi quòd nullos aspicere, velut imagines sui, liberos potuissent, nomenq̃ue suum extingui & aboleri viderent. Ideo clarissimus ille ciuis Romanus Coruilius, nullam reprehensionem tulit, quamuis vxorem castissimam, sibiq̃ue benè consentientem dimiserit, quia cupiditatem liberorum coniugali fidei præponi debuisse, rectè sentientes, arbitrati sunt; cuius rei, quæ alia excogitari possit ratio, præter immortalitatem, nescio. Profectò nullum arctius in hominibus vinculum, nulla amicitia candidior, omniq̃ue officio ac pietate cumulatioꝝ Matrimonio inueniri potest.

Et cum quatuor amicorū paria, cum plausu & admiratione sæculorū omnium admiramur; infinitam penè multitudinē mulierum honesti coniugij amore flagrantium, non modò non admirabimur, sed nulla etiam laude afficiemus? Absit. Neq; mirū Pyladem pro Oreste mortem subire non timuisse; cum Alcestis coniux Admeti regis Thessaliæ, neutro parente decrepito volente mori pro filio, seipsam morti tradidit. Tiberius Gracchus, bis Consul & censor, idemq̃ue augur summus, & vir sapiens, duobus anguibus domi deprehensis, timore & nouitate rei percitus; haruspices conuocat, & quid portendant, sedulò inquirit: cui concordēs respondērunt: Si vtrunq; interemeris, te & totam familiam interitus manet; si marē dimiseris, te euasurū: sin foeminam

minā Corneliā cōiugem. Æquius vir tantus putauit, se maturū mortē oppetere: quam P. Africani filiam adolescentē, quæ tamen paucis post diebus, mœrore cōfecta, maritū suum est sequuta. Damonis & Pythiæ amicitiam celebrat Tullius, horum ego tamen præferendam esse amicitia Minyarum coniugum amorē iudicarem, qui à Lacedemonijs ob crimen affectati regni, custodia mancipati, supplicium iudicio damnati, capitis expectabant; quorum coniuges, muliebris conditionis oblitæ, quasi supremū viros allocutura, simulato dolore, aditu à custodibus implorato velatis capitibus, pectora tudentes pugnīs; ora genasq; fœdantes vnguibus, commutata veste, vt viros morte liberarent, sese morti obiecerūt. Quod etiam Theopompū fecisse fama est. Quem præterit Patrocli & Achillis amicitia? quorū hic cū Patroclum occubuisse accepisset, tantos gemitus, tanta suspiria imo duxit de pectore, vt vix à familiaribus sit prohibitus, ne sibi manus inferret: horū tamen amorē Planci amor coniugalis superauit, quē vnā cū vxore, quæ illi repentino morbo perierat, neq; preces amicorum, neq; lacrymæ parentum flectere, potuerunt; corpori cōiunctū coniugis carissimæ rogo imposuerunt, communeq; sepulchrū, vt maritalis diutius seruaretur memoria, amici boni Tarenti constituerunt. Enimuerò cū aliorum properat oratio, taceo Marci Catonis filiam, taceo Artemisiam, quarum hæc tanto mariti amore flagrasse dicitur, vt cineres, ossaq; eius mixta odoribus

con-

contusaq; in puluerem, aquæ indita, ebiberit, illa cùm Brutum superatum accepisset, prohibentibus ferrum familiaribus, carbones candentes ore hausit, inauditoq; mortis genere, perpetuis seculis amorem coniugalem testata est. Sed ne in recensendis exemplis longior esse videar; nullam amicitiam celebriorem, nullam vtiliorem, nullam deniq; sanctiorē maritali coniugio, hactenus audiuiſtis. Vnde vt pulchrè, ita verè Proper. cecinit : *Omnis amor magnus, sed aperto coniuge maior.* Tranſeo alias matrimonij vtilitates, per quod, & temperantiā consequimur: (quæ quamvis in contemnendis prætermittendisq; voluptatibus cernitur : in singulis tamē actionibus elucet,) & fæliciores honoratioresq; reddimur. Atque eò Romani magistratum illis, qui cælibem vitam agerent nullum conferebant, quia liberis tanquam obsidibus, quos patriæ darent, carebant, Spartani porrò lege cauerant, ne illorū urbem, quisquam cælebs incoletet. Eia age, te apello ô Lycurge, ad eam adductus legem condendam, qua sis rationes? Quia, inquit, qui vita accepta alteri vitam tradere recusat; iniurius est, & naturæ ingratus. iccirco quadruplicē in eos poenam constituit : Vt nudi hyeme per vicos, per plateas, per forum, circumducerentur : gymniciſ ludis, in quibus puellæ decertabant, arcerentur: honoribusq; debitis spoliarentur. quod pulcerrimo exemplo, Lacedæmoniorum iuuenes cuidam Imperatori, virtute licet eximia, & singulari, rebusq; bellicis claro, fecisse legimus,

mus, cui in theatrum venienti, tantum abest locum de more cōcedere; vt etiā ne assurgere, quidem voluerint. Quid ita? Quia, inquit, nullum, qui nobis natu grandioribus idem faceret, reliquisti. Præmia prætereo (lōgum enim esset singula percensere) quibus illi, qui sololē reliquissent, afficiebantur: omni cura, omnibus laboribus, tributis, vectigalibus, custodijs, oneribusq; cæteris exoluebantur. Quod igitur ornamentum domus maius mariti & vxoris confortio dabitis? Nullum sanè. Neq; enim ædificia pretiosa, neq; sublimes murj, neq; peristylia, & ambulacra marmore, & ebore ornata; quæ pleriq; admirantur, nec aliud quippiam, quod vulgus stupet, probat, ornamentum est domus maius, viri & mulieris societate: in qua ne dicam corpōra, sed omnia sunt communia; animam etiam, ipsam vbi necessitas poposcerit, habent communem. Incauta ergo vox est illorum, qui nullam molestiam molestiorem, nullam vitam miserabiliorem, quàm cum vxore viuere, contendunt: plusq; mellis quàm fellis nuptias habere stentoria voce clamitant: cum hoc malū non tam culpa matrimonij quàm hominum eueniat. Alij enim magnitudine dōtis, alij excellentia formæ, alij alijs cautis capti, nulla virtutis, educationis, morum, quæ magis foeminam ornant auro, habita, in suam suorumq; perniciem, nuptias celebrant, coronatisq; foribus pro vxore tyrannū: pro dote, interitū, sibi ipsis introducunt. Quæ omnia, cum tecum sedulò, & vt aiunt ad trutinam, examina-

minares, Baptista Ceki; huc omnem cogitationem animi appulisti, ne iniurius naturæ, & ingratus videare; cōiugem tibi vitæ sociam, vt felicitatis istius esses particeps, ducendam, nec tam dotem, quàm pudicitiam, & pudorem, parentum amorem, & concordiam cognatorum proposuisti: atque iam reipsa, id, benignitate Dei consecutus es, quod antè votis omnibus expetiuiisti. Accipis vxorē non viduam, cui nihil est irreposcibile: sed virginem, quæ omnem dotem superat. Nam quodcumque in dotem acceperis, potes, cū libuerit, ne sis beneficio obstrictus, omne vt acceperis retribuere, pecuniam renumerare, domo migrare, prædiis cedere. Sola virginitas, cū semel accepta est, reddi non potest: sola hæc apud virum ex rebus dotalibus remanet. Virginem verò talem accipis, quæ, vt forma, ita pudore, cū Iulia, Cornelia, Tuscia, virginibusq; Spartanis, quæ mortem prius oppetere, quàm Messeniis consentire maluerunt, possit decertare. Tanti illæ pudorem coluerunt. Neq; iniuriā. Hæc enim pauperem commēdat, diuitē extollit, deformem redimit, exornat pulchram. Et vt è tonitru confestim prodit fulgur: sic à verecundo & pudente proficiscitur gratia. Quod cū parētes illius, quorum domum ingrederis, sciuiissent, pudore & honestate nihil esse commendatiūs, nihil laudabiliūs, hoc dies noctesq; egerunt, vt quàm honestissimè domui suæ prospicerent. Tantaq; illis semper fuit, & est honestatis ratio; vt omnes occasiones, quibus pudor &

honestas expugnantur præciderent. Vbi enim tympana sonant, tibia personat, lyra garrit, cymbalum concrepat, parasitus in contumeliis gloriatur; ibi pudor & honestas periclitantur. Gratulor ergo tibi, quòd huic domui te coniunxeris, quæ bonitate, probitate, candore, humanitate, nullis cedit: gratulor & ipsi domui, quæ tantum virum sibi generum adiunxerit. Quod quidem meruit inprimis tua virtus, quam tu omni possessioni, ipsi etiam vitæ prætulisti: meruit tua pietas, quam cum Præfectum fodinarum Vielic. ageres, abundè declarasti. Meruit & tua liberalitas, quam abundè omnes boni in dies, maximè verò viri literatissimi, experiuntur. Meruit & humanitas, quæ tanta in te est, ut neque honores, quibus præfuisi, neque diuitiæ, quibus vnde quaque affluebas, te transformarint. Non decet quippè virum, cum ad splendidos fuerit euectus honores, mores commutare: sed tum maximè convenit amicis fidelem se præbere, cum iuvare possit, rebus iam latis auctior. Neq; mirum tantis te esse præditum virtutibus, cum ibi natus sis, vnde vera religio, pietas, honestas, atque omnes virtutes promanarunt. Ibi quæ institutus sis, vnde tanquam ex equo Troiano viri ingenio graues, in rebus gerendis prudentes, in administranda iustitia æqui prodierunt. Quod enim olim Romani Græcis, id nos Italiæ debemus. Nam quicquid vel religionis, vel prudentiæ, in hoc orbe terrarum, ne dicam sub toto Septemtrione est; ex Italia tanquam ex Oceanis

Oceano ad nos profluxit. Neque degenerasti equidem à tuis quicquam vel parentibus, vel tuæ gentis celebris moribus, neq; vnquam te degeneraturū pollicetur Poëta. *Quo semel imbuta recens, seruabit odorem Testa diu.* Quapropter, natura, virtus, fortuna, acerrimo contentiōis studio, in te ornando & cumulando secum decertarunt: & quæ illis summa ac prima fuere, in te omnia larga manu, & sinu pleno effuderunt. Neque opus est, vt maiorum tuorū titulos, dignitatem, referā: cum, vt leo ex vnguibus, ita ex tuis virtutibus, de parentibus tuis, facile est iudicare. Et puerile etiā puto nobilitatem parentum ornamentis virtutum opponere. Quid enim iuuat ab Agamēnone genus ducere; Dauo verò & Thersitæ similem esse? Quid iuuat Corneliam matrē habere, patrē Sempro. seditionibus verò Remp. miscere, aut hostibus patriam prodere? Quid iuuat tabulis maiorum, titulis, laude, intumescere, ne vestigium autem illorum virtutis habere? cum vera nobilitas sit, nō tam generosis & probis nasci parentibus, quàm bonitatē, & probitatē profiteri? Quare scitè Menander:

Quisquis suapte natura procliuis ad bona fuerit,

Nobilis est: quamuis matre genitus fuerit Æthyope.

Et vt prudenter Annibal, eum tantum Carthaginensem appellare solebat, qui hostem feriret: ita ego verissimè dixero, eum tantum nobilem esse, qui & vitia ferire, nullisq; perturbationibus succumbere didicerit.

Quapropter, cùm tot & tantis te ornatum videam virtutibus : magnis te parentibus ortum esse, res ipsa loquitur. Prudentiam tuam, quæ tibi est in rebus gerendis, dexteritatem ingenij, solertiam, acumen, taceo : satis enim hæc abundè tui honores, quibus in hoc regno celebri cum dignitate præfuiſti, testantur : testatur & amor Illustrium in te virorum, quorum oculos tua humanitate, industria, candore, in te conuertisti. Viuite ergo felices animæ, Viuite : atque ea felicitate, quæ ex amore coniugali venit, fruimini : sobolemque dignam vestris parentibus, vobis ipsis, vestræ pudicitiae, virtuti, suscipite; quæ sit & senectutis solatium, vestræque gloriae triumphus. Neque enim diuitiæ, neq; auri argenti que talenta, tanti sunt habenda, quanti boni liberi, virtutisque studiosi parentibus. quibus, vt naues ancoris pluribus in mari; stabiliuntur : sic vita, respublica, inter gentiles & necessarios firmatur. Quare vna Læcæna, cùm ei mulier quædam ornatum Ionicum ostentaret, aliumque mundum muliebre; ostendit ei vicissim suos liberos, inquiens : At meum ornamentum huiusmodi est. Et Cornelia, cùm illius Campana mulier, ornamenta, & suppellectilem videre affectasset ; tamdiu eam verbis protraxit, quoad liberi è ludo literario rediissent : Respice, inquit, lautam suppellectilem meam, omniaque ornamenta, & delicias meas. Tantæ sunt deliciae humanæ mentis filij, nec his quicquam in vita iucun-

iucundiùs. Vigeat inter vos pax, floreat concordia :
Hac enim res parua crescant, vti discordia maxima
dilabuntur. Perficiat Matrimonij author Deus, vt quã
laudem à maioribus, parentibusque vestris accepistis,
eandem conseruetis & dilatetis : atque ita vitæ
huius, sine vlla offensione cursum transiga-
tis, vt in susceptis liberis niti, & in
eorum spe reuiuiscere
possitis.



incumbens. Viget inter vos pax, floreat concordia:
Hac enim res pax crederet, ut discordia moraretur
disponeret. Hec enim Moriturus, inter Deum, ut pax
tandem a moribus, pax enim pax vultis: acceditis
etiam, ut concordia & discors: adque in vult
hinc, sine illa offensione curam nantia
vis, ut in iustis libris niti, & in
corum hoc remittente
politis.





